

ՀԱՐՈՒԹՅՈՒՆ ԿԱՐԱՊԵՏԻ ՓԱՆՈՍՅԱՆ

(ծննդյան 75-ամյակի առթիվ)

Կան մարդիկ, որոնք երկարամյա անբասիր աշխատանքով գիտելիքներ ու փորձ կուտակելով, հավերժանում են գիտության պատմության բնագավառում: Այդպիսին է հանրապետության մանրէաբանության հիմնադիրներից մեկի՝ ՀՍՍՀ ԳԱ թղթակից անդամ, կենսաբանական գիտությունների դոկտոր, պրոֆեսոր Հարություն Կարապետի Փանոսյանը:



Հ. Փանոսյանը ծնվել է 1906 թ. Փոքր Հայքի՝ Սեբաստիայի, Զիֆլիկ գյուղում: Մանուկ հասակում ղրկվելով ծնողներից, նա Թուրքիայից գաղթել է Սովետական Հայաստան, որտեղ և անց է կացրել իր մանկությունը որբանոցում: Ավարտել է Երևանի պետական համալսարանի գյուղատնտեսական ֆակուլտետը, պաշտպանել թեկնածուական (1936 թ.) և դոկտորական (1943 թ.) դիսերտացիաներ, ղեկավարել Հայաստանի միկրոբիոլոգիական միտքը, ընտրվել ՀՍՍՀ Գա թղթակից անդամ: Ահա նրա կյանքի ուղին, որը Հ. Կ. Փանոսյանն անցել է սովետական իշխանության հոգատարության, ինչպես նաև իր աշխատասիրության ու տաղանդի շնորհիվ:

Նա իր աշխատանքային գործունեության առաջին իսկ օրերից ակտիվ մասնակցություն է ունեցել Հայաստանում մանրէաբանական գիտության ստեղծման և հետագա զարգացման գործում: Տաղանդավոր գիտնականի և կազմակերպչի ջանքերով 1943 թ. ՀՍՍՀ ԳԱ սիստեմում ստեղծվել է միկրոբիոլոգիայի սեկտոր, որի առաջին տնօրենը եղել է Հ. Փանոսյանը:

Բեղմնավոր է պրոֆեսոր Հարություն Փանոսյանի գիտական գործունեությունը: Նրա գրչին են պատկանում մի քանի մենագրություններ և 120-ից ավելի գիտական ու գիտահանրամատչելի հոդվածներ: Դեռ պատանի հասակից Փանոսյանին հետաքրքրել է Հայաստանի աղակալած հողերի կենսաբանական հատկությունները, որոնց բազմակողմանի ուսումնասիրությունների շնորհիվ կարողացել է լուծել բազմաթիվ ուշագրավ հարցեր: Նա առաջինն էր, որ նկարագրեց աղուտներին յուրահատուկ, հատկապես ծծումբն ու ծծմբային հրաքարն օքսիդացնող, մանրէները, որը նորություն էր գիտության համար:

2. Փանոսյանն իր թեկնածուական դիմերտացիայում հանգամանորեն շարադրել է աղուտների յուրացման տեսական ու գործնական հիմունքները: Այդ դիմերտացիան տպագրվել է որպես մենագրություն և արժանացել Հայաստանի Լենինյան կոմերիտմիության 20-ամյակին նվիրված մրցանակաբաշխության առաջին մրցանակին, իսկ նրա դոկտորական դիմերտացիան նվիրված է Հայաստանի աղուտների մանրէաբանության ուսումնասիրություններին՝ նրանց յուրացման կապակցությամբ: Աղուտների յուրացման խնդրի հիմքում դրել է այդ հողերի բաղադրության մանրագնին ուսումնասիրության հարցը և ուղիները հարթել մանրէաբանական ու քիմիական ճանապարհներով հողն ազազերծելու գործում: 2. Փանոսյանը բացահայտել է, որ աղային հողերը տարբերվում են իրենց միկրոֆլորայի կազմով: Կեղևակալած աղուտներում ավելի շատ են տարածված միկրոօրգանիզմների առանձին ֆիզիոլոգիական խմբեր, քան ուռուցիկ կամ թաց աղուտներում: Նա ցույց է տվել, որ աղուտներում տարածված ամոնիֆիկատորները, ալոտֆիքսատորները և ծծումբ օքսիդացող բակտերիաները, հարմարվելով աղերի բարձր պարունակությանը և օսմոտիկ ճնշմանը, ձևոր են բերում մոնոֆոգիական սարբեր հատկանիշներ: Մանրէաբանական ուսումնասիրությունների արդյունքների հիման վրա 2. Փանոսյանը առաջարկել է աղուտները մշակել գիպսով, ծծումբով կամ կուլչեղանով, որոնք նպաստում են մանրէաբանական պրոցեսների ակտիվացմանը:

Հարություն Փանոսյանի գրչին են պատկանում նաև մի շարք մենագրություններ, նա 1957 թ. հրատարակել է «Ընդհանուր մանրէաբանության հիմունքները», իսկ 1962 թ. «Գյուղատնտեսական միկրոբիոլոգիա» աշխատությունները, որոնք այդ թեմային նվիրված առաջին հայերեն ձեռնարկներն էին: 1975 թ. լույս տեսավ 2. Փանոսյանի «Մթնոլորտային ալոտի կենսաբանական ֆիքսացիան Հայկական ՍՍՀ հողերում» մենագրությունը, որը նվիրված է Հայաստանի հողերում ղարդացող մի շարք միկրոօրգանիզմների կենսաբանական առանձնահատկությունների ուսումնասիրությանը և դրանց կողմից մթնոլորտային ալոտի յուրացման ինտենսիվացմանը՝ կապված բույսերի աճման ու դարդացման հետ:

Առանձնակի հետաքրքրություն են ներկայացնում նրա աշխատանքներն ալոտաբակտերիների արդյունաբերության ուսումնասիրության վերաբերյալ: 2. Փանոսյանը գործնականում ցույց է տվել, որ ալոտաբակտերների կիրառմամբ կարելի է բարձրացնել հացահատիկային և տեխնիկական կուլտուրաների բերքատվությունը: Նա առաջինը ալոտաբակտերները և բակտերիալ ակտիվատորները համատեղ կիրառել է գյուղատնտեսության մեջ, որը նպաստել է բերրատվության բարձրացմանը:

2. Փանոսյանը շուրջ 25 տարի ղեկավարել է Երևանի գյուղատնտեսական ինստիտուտի ֆիզիոլոգիայի և մանրէաբանության ամբիոնը: Նրա ղեկավարությամբ մեր հանրապետությունում աճել են մեծ թվով մանրէաբան-գիտնականներ: Նրա աշակերտներից շատերն այժմ ճանաչված գիտնականներ են, գիտության հմուտ կադմակերպիչներ:

Սովետական կառավարությունը բարձր է գնահատել 2. Կ. Փանոսյանի դիտամանկավարժական գործունեությունը: Նա պարգևատրվել է Լենինի, Աշխատանքային կարմիր դրոշմ, «Պատվո նշան» և այլ շքանշաններով ու մեդալներով:

Վաստակաշատ մանկավարժի և գիտնականի գիտական հարուստ ժառանգությունը դեռ երկար տարիներ օգտակար կլինի գալիք սերունդներին: